

Filipai

¹ I dere asęta, Yesunę kutó diratere whi Pol-ró Timotitamónę dię Filipai be huluamó Tale Yesu Kerisonę kae betero betere so whirapepaaekélé, Keriso so whi tetéroló kaa tare whirapepaaekélé, mepaae Keriso fake so whi sekei ala depa taosu betere whirapepaaekélé, dapa wosae.

² Dąné Aya Kótóro Tale Yesu Kerisotamo tuąmó kaaróló wou betere hałe hamokoróló tao sere alaró hosaa muni deyóló mo dua betere alatamo diąpaae erótu beterópóló yae.

Mo kée yóló Talepaae momayale fo

³⁻⁴ Yało dię tuę yó taruraalu, ę tetéroló kaa tare Kótópaae mo kée yóló moma yó tare dokę ę hekesenę sukutu, dię feamó momarótu beterapó.

⁵ Ti noatepae, take ę dię beterepaae sókó wóló Yesunę mió wosetere kisi fo wisi diątamo fea betąmó titiyóló bitu, yó maté fu betepa diaaę ę tao siré wóló miókélé ai alatóro yó tapa, mo kée yóló haįné sukutu beterapó.

⁶ Dię tuąpaae ai erótu betere wisi ala kaarale sekéńetei mo ti eraté fóló tuąmó taaréni, Yesu Keriso wale sukamó sókó fóló kemeraalopóló, yało mo diriyóló tuęrapó.

⁷ Dię fea yało hosaa tuąmó muluraalu, diaaę du betere ala kolóló ę hekesenę sukutu betere alata doni, mo wisirapóló kisipa mutapó. Ti noa betenę meipó. Ę *sein* képinę dokóló *dipula* bitukélé ó belapaae mo kuturaalukélé, Kótónę mió wosetere

fo wisi haḷe fo nisiyóló só deróló aluyaṣóró, mo diriyóló tué muṓpóló momó du momó du yó tapakélé, Kótóné ama haḷe hamokoróló tao sere ala diḷ feané ɛpaaekélé eróo, yaḷokélé diḷpaae eróo, du betere ala haḷe yó tarapó. Ti atéró titiyóló bitu du betere ala kilituraalu, ɛ hekesené suku-tapó.

⁸ Yesu Kerisoné yaala sókó fu betere ala ɛ tuamó muluraalu, diḷtamo betenée yóló hosaamó su beterapó. Até enée yóló mutere kisipa Kótóné kolóló ama mopó enérapó.

⁹ Yaḷo diḷamó momatu betere bete i ape. Kótóné ama ere alata, tómó mole nisi yaṣóró, ɔ betemó kaaróló wale ala wisinaale mo turó kisipa duraaalu, diaaḷ yaala sókó fu betere ala mo ti fakeraté fópóló momarótu beterapó.

¹⁰ Diḷ até deté fu bituraalu, kae kae yaaire alarape mupatei, mo bete mole ala tué yópóló momarótu beterapó. Ai du betere alata, me alatamo hosekéni, mo wisi alamaaté yó taté fóló, Yesu Keriso wale sukamó me alakélé muni, mo donore so whi beterapó yópóló, momarótu beterapó.

¹¹ Yesu Keriso tuamó kaaróló sókó wale ala wisi nokole ɔla ke bulure kaae, diḷ tuamó mo donoi ala wisi atéró buóló faḷapa so whi feané kilitu, Kótóné ama kae ere deḷ wisinaale mulapóló ama doi hale horaalopó.

Pol dipula betemale alané Talené fo yó melaairetei fakeralepó

¹² Térapa norape-ó, ɛpaae erale alané Kótóné mió wosetere fo wisi kejréni, mo ti fakeraté fu betaletei diaaḷ tué yaasepóló i dapa wosae.

13 Ẹ Yesu Kerisoné fo erótu betale alamó, atimané ẹ *sein* képiné dokóló *dipula* beteraletei, topo whì bitua dere be wisimó betó mole diki tare whìraperó mo whìrape featamoné kolóló kisipa yalepó.

14 Talené ala tuámó betó mole mepaae no-rapené ẹ *sein* képiné dokóló *dipula* beterale ala kolóló, atima wiyóló taaréni, halaainé bituraalu, Kótóné fo eraai doasi ketekẹ butu betera-pó.

15 Tétu betepatei, mepaae whìrapené dei tuẹ muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuẹtóró muóló yó melóo du betere-teita, mo dapó.

16 Ai wisi tuẹ mulu yó mótu betere whìrapené kale mió wosetere fo wisi eraairaalu, ẹ *dipula* betero betera-póló tuẹru, yaala sókó fóló yó mótu betera-pó.

17 Tétu betepatei, kale dei tuẹ mutere whìrapené hosaa tuámó atima doi sóró horaaire kisipa mulu, Yesu Kerisoné ala eratere aqyóló yó mótu betera-pó. Ti aita hãle mei, ẹ *sein* képiné dokóló *dipula* betepa, ẹpaae sekei ala eraalo nisiyóló, du betera-pó.

18 Tépatei kapala ala depakélé, ó mo dere alakélé ó kae kae ala depakélé, aita me ọlameipa, mo doasi topo ala betà i ape. Yesu Kerisoné dere ala i ape yóló so whì feapaae yó mótu betere alata, mo doasi bete mulapó. Atétu betere alamó ẹ hajné sukutu betere-tei taaréni, mo hãle yótóró tawaalopó.

19 Ti noatepae, dijané moma yó tare alaró Yesu Kerisoné doteyale Ẹi Kepe wisitamóné tao sóró erótu betere-teimó, ẹpaae erale ala fea deté wóló

kemene wouraalu, ti ę *dipula* beteretei taaróló, hałe fópóló sokaalopóló kisipa mutapó.

²⁰ Ę betepa ó sukutepakélé Talené halaaratepa halenipó. Aténi, take bitiré wou yale kaae, mió yało tikimó erótu betere ala so whjné kilitu, Yesu Kerisoné doi hale sóró horateretei kelenée kisipa mutu beterapó.

²¹ Ti noatepae, yało kisipané ę betere beteta, ti Yesu Keriso ątórótípó. Ę sukutepakélé me ọlameipóló mo kée yaalopó. Mió i hařtu betere ala bosenóló mo doa hařné sukutu betaalopóló kisipa mutu, mo kée du beterapó.

²² Ę etéro hałe bitirétamo fu betepa, ti yało i ditu betere kutó mo du oleraalo ai ape. Ti etei kisipa motei, tu tamo moleteiné mé tuřpaae faaloró ę mo diriyóló tuęnipó.

²³ Atéro mutere kisipané yało tiki tuąmó tekéetamo dapó. Téřatei, yało kisipané mo doasi alata, ę sukóló fóló Yesu Kerisotamo betepa, ti mo wisirapó kisipa mutapó.

²⁴ Ténéřatei, yało dią yařare ala tao saairaalu, ę diřtamo betere ala doni, mo wisirapó.

²⁵ Ę sukuni, dią featamo betąmó bitiré faaireteiné dią hařné sukuturaalu, diaaọ tuę tiki tiratere alakélé mo diri deté faalopóló kisipa mutapó.

²⁶ Atéturaalu, ę diřtamo betąmó betereteiné, ę kilitu Yesu Kerisoné yale ala wisimó ą dukiróturaalu hařtere ala dią tuąmó mo ti fařyaalopó.

²⁷ Me noa alakó ęřpaae eratepakélé diaaọ ai du betere ala taaréni Yesu Kerisoné mió wosetere fo wisi sya fóló eratere whřtóró betae. Atéřpa,

diaaꝑ ę alupa yale ala ó ę diꝓ beterepaae wapakélé keleralemó me ala kae ini, mo betꝓ alatoró epa kelaalopó. Diꝓ fea betꝓ kisipa muóló diriyóló betóo, diꝓ mo betꝓ whꝓ kaaetóro bitu, Talepaae tuę tiki tiratere ala etérópóló yó melóo, du betereitei yało kisipa yaalopó.

²⁸ Atéru, diꝓtamo bóe du betere whꝓrapené diꝓpaae kae kae sekeꝓ alarape eratepakélé wiyaalomeipó. Atétere ala atimané kilitu, Kótóné dꝓ mo ti doróo, atima aluyaqsóro tao sóo, yaairemó dere fareyópupóló atima kisipa yaalopó.

²⁹ Ti noatepae, Kerisoné ala eróturaalu, ępaae tuę tiki tiratere ala maaté yópóló ini, ama doimó doasi sekeꝓ alakélé sópóló melalepó.

³⁰ Ti ę Kótóné ala erótu beteremótei, ępaae kae kae sekeꝓ ala eraletei diaaꝑ kelalepó. Miókélé betꝓ kaae sekétóro su beterapó dere fo diaaꝑ ai wosetere ape. Diꝓpaaekélé atei alatoró erótu beterapó.

2

Kerisoné ama yale ala sꝓróló enérapóló ere fo

¹⁻² Diꝓ Yesu Kerisotamo touyóló betꝓmó betereiteiné ketekę bulatere ala eróo, ama yaala sókó fole alané dꝓ haꝓ kisipa mulóo, Deꝓ Kepe Wisi dꝓ fea tuꝓmó betereiteiné mo betꝓ alatoró eróo, kólené sukutu naameyóló mo dua betóo epa, ti ę mo doa haꝓ yópóló, i ala yaasepóló dapó. Diꝓ fea Talené ala eróturaalu kae kae tuę muni, dere alakélé yaala sókó fole alakélé, ketekę bole alakélé, mo betꝓ alatoró yaasepóló dapó.

³ Diaaḡ me ala duraalu, eṭóróti doasi wh̄i betaai dapóló kisipa mutu, u teṭerótu i teṭerótu dere ala ó me bete munipatei e beṭa mo wh̄i wisi beterapóló kisipa muaḡsé. Téni, naaotei ya teṭeróló dua bitu, mepaae so wh̄i dukiróló atima aḡmó beterapó kisipa muae.

⁴ Diaaḡ séle séle dere alamaaté kisipa muóló kaae tani, diḡné dere ala wisiyóló kaae taru dere kaae, mepaae so wh̄ikélé tao sóró atima kisipa mole alakélé wisiyóló kaae tawae.

⁵ Diaaḡ hosaa tuḡmó mole kisipata, Yesu Kerisoné kisipa kaaetóro muóló betae.

⁶⁻⁷ Ti aṭa, ama ere ala kae mei mo take betere Kótó bitu, ama ere alakélé Kótótamo beṭa ala eretei, atéro bitirétóro fu betaaitapóló kisipa muni, amatei a belei alée fóló, mo kutó diratere wh̄i sṡ betalepó.

Atéro betepa, mo so wh̄iné a kilituraalu, mo wh̄ipóló kisipa mualepó. Atéro ama dere ala fea amatei a haepaae deróló beterepó.

⁸ Atéru, Kótóné fo aḡmó sukóló bitiré fóló sukutere alapaae sókó felepó.

A atéro sukuturaalukélé mo wh̄i sukutu dere kaae ini, atimané aḡpaae kisipa tiki mo fo-maakei ala eróló, filipaaró betere ni tómó sukalepó.

⁹ Amatei a atéro derale betené, Kótóné a tao sóró fea ala fea ama teṭeróló kaae tanópóló beteróturaalu, kae kae doasi doirape mupatei, ama doi doasi Tale mulalepó.

¹⁰⁻¹¹ Até yale betené mené Yesuné doi depa, hepen bemó betó mole *ensel*-nékélé i haemó betó mole so wh̄inékélé, i hae aḡró betó mole so

wh̄inékélé, ama doi woseturaalu, bukutiri tearó bitu, Yesu Keriso ąta Talepó yaalópó. Téturaalu, Alima Kótóné ama ere ala wisinaale h̄akeamó mulaalo ai ape.

Dią tuąmó h̄orené de kaae deýó falópóló yae

¹² Térapa, yało mo hosaa mole no nerape-ó, Kótóné ama dią tuąpaae eraai kisipa mole ala wisi ai erótu betere ape. Dią ętamo betámó bitu, diaaą yało dere fo wosóló eraté wale kaae, mió ę alupa diąsisi bitukélé, Kótópaae wiyóló ą aąmó sukóló bitu, dią aluyaąsóró tao sere ala du wisi oleyópóló eraté fu betae.

¹³ Ti noatepae, Kótóné kisipa mole ala sya furaalu, ama fo wosóló eraaire kisipa wisiró ketekętamo amatei dią tuąpaae mo surótu beterapó.

¹⁴ Dią Talené ala eróturaalu, mené dere ala kilitu h̄oko dapóló eratere foró fonétei u só derótu i só derótu dere alatamo momókó yaąse.

¹⁵⁻¹⁶ Ti aita h̄ale mei, me alatamo hosekényi mo wisi ala maaté du betere so wh̄i betepa kilitu, Kótóné naale senaale beterapó yópóló i dere ape. Dią atéró betepa, mió i alimó betó mole so wh̄i wuliné tų kaae kotereteiné atima dere alakélé mó sonaalérapó. Dią atei kaae so wh̄i tuąmó bitu, mo ti betaaire fo wisi so wh̄i feané wosópóló h̄akeamó yó mótu betepa, ti dią ó sąmó daae mole h̄ore deųu ere kaae, atima tuąmó deųótu betenérapó. Atépa, ti Yesu Keriso wale sukamó, ę bopé fakeyóló halaa yaaire beteta, ti dią tuąmó yało diale kutó h̄ale ini, du wisi olerapó yópóló kisipa mutu dapó.

17 Atépatei, diaaḡ tuḡ tiki mo ti tiró bitu Kótóné ala eraté fópóló, Talené fo diāpaae eraté felepó. Atéyale alata, *wain* wḡi felé kḡlaa Talené kulumupaae fópóló sipaae sunée falótu dere kaae, yaḡo betere bete diā tao suraalu sukutepa ti me ḡla mei, diātamo haḡné sukóló mo kée yaalo ai ape.

18 Atérapa, diākélé ḡ dere kaae haḡné sukutu mo kée du betenérápó.

Timotiró Eparataitas-tamo dotonaai yale fo

19 Tépatēi, da tḡteróló kaae tare whḡ Yesuné kisi-panétamo Timoti diā beterepaae wópóló epa, ti ḡ hapale wópóló dotḡyaaai kisipa mutapó. Ti ḡta, diaaḡ du betere ala kolóló ḡpaae ene wapa wosetu, ḡ haḡné sukḡai dapó.

20 Ti Timoti ḡta, diā mo wisiyóló betērópóló kisipa mutu betere whḡpó. Ama kisipa kaae mole whḡ mekókélé ḡtamo imó bitinipó.

21 Ti noatēpae, i betó mole so whḡ feata, Yesu Kerisoné ala eraai kisipa muni, mo atimané yaaitere alamaaté kisipa mutu betērapó.

22 Téretei, Timotiné ama du betere ala diaaḡ kḡae kolóló kisiparapó. Ti ḡta, betḡ naale ama alimatamo kutó betḡmó ditu betere kaae, daḡmo wusuró Talené mió wosetere fo wisi ketekḡ buóló erótu betērapó.

23 Atérené ḡpaae eraaire alapi kolóló, kḡlipaaeta ti ḡ diā beterepaae hapale tḡti dotḡyaaai kisipa mutapó.

24 Téró, ḡkélé Talepaae tuḡ tiki tiróló bitu, diā beterepaae mo hapale waai kisipa mutapó.

25 Atéyaaitei, yaḡo no Eparataitas diā beterepaae fesaae wópóló, mo dotonaai kisipa

mutapó. Ti ąta mo whi mei, ąamo beta kutó ditere whi bitu, Talené alamó bóe daai ętamo titi du betere seképó. Ti ąta, ę sekeę yaqsóró, mepaae yaęare alarape tao sene wópóló diaaę ę beterepaae dotęyale whi wisinaale ai ape.

²⁶ Ti ama dią fea kelenée kisipa mupatei, diaaę Epararataitas ą kisiné sukóló mulapó yale fo wos-aleteiné ama tuę sekeęyalepó.

²⁷ Ti aita mopó. Ą mo felekemó sukąai yaletei, Kótóné kolené sukuturaalu tao sale alata, ąpaae maaté erénitei, ę dekeęé sukutere ala dekaaporóló muaqsóró Kótóné ękélé kolené sukutu, ą tao sóró kepaaraleteiné mo kée dapó.

²⁸ Atéreteiné, ą mo miótitei dią beterepaae wópóló dotęyaaairaalu, kisipa mutapó. Ti hąle mei, diaaę ą kolóló hajné sukóo, ękélé whaalia du betteretei sawa feléyóló betóo, yaai dapó.

²⁹ Ą wapata, dią Talené ala tuąmó hajné sukutu bitu, kóleó yóló ą mo wisiyóló dape sae. Atéturaalu, atei kaae whi doasi doi muópóló hale sóró horae.

³⁰ Ti noatepae, Yesu Kerisoné ala eraai wóputu bituraalu, ą mo felekemó sukąai yalepó. Ti noa betené meipó. Diaaę ę tao senépatei, tao saaire tu meipa, ama ę tao sene wóló, ama betere betemó kisipa muni, sukutepakélé me ąla meipóló ę tao sere ala beta du betalepó.

3

Tó tikiné dere alamó ąané kisipa tirótumipó ere fo

¹ Yało norape-ó, kemeróturaalu dere fo i ape. Tale tuąmó bituraalu, hajné sukutu betae. Take yało

aseyale fo kaae momó i dereteita, sekenipó. Me alané diã só deraqsóro seséturaalu i dere ape. Ai haorapené diã tukó naqsóro mo hotowayóló kaae tawae.

² Ti atimata, dowi alamaaté hałe yó taruraalu, whiné tikimótei siri eróló, tiki dorótu betere whjrapepó.

³ Ti noatepae, take Kótóné ama so whjipóló tiki sekaę tukóló sirirótu yale kaae, mió đakélé ama so whjipóló siriró betepapó. Đa atéro betere so whj Kótóné Đei Kepe Wisiné fotokoratepa, a aomó sukóló bituraalu, doa Tale-ó yóló hale sóro horótu betepapó. Ti đata, me ala ó me whj kolóló bopé fake dumitei, đa tetepóló kaae tare whj Yesu Kerisoné doi hale sóro horóturaalu, ama ere alamó đa bopé faketu betepapó. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló đané tuę tiki tirótumipó.

⁴ E atei kaae tó tikimó bopé fake yaaire bete doasi mulapó. Mepaae whj dené ama du betere alarape bete mulapóló kisipa tiki tiratepa, ti yało i haemó dere alanétei atimané du betere ala fea mo teraae felénérapó.

⁵ Ti eđa, hođo deale whj mei, yało haené deóló bitiré wóló, bokó wale be đę sókó wapa, ti yało tikimó siriralepó. Eđa, be kae whj mei, mo Hibru be fo bole Israel whjko Benjamin fakepó. Eđa, đa Hibru so whiné ayarapené mara mole ala taaréni, mo wisiyóló sya fu beterepó. Atéro bitu, Kótóné yóló muló betere fo dosayóló bete mo wisiyóló sya fu betaleteiné e betđ Farisi whj betepapó.

⁶ Atérruraalu, me kae kisi alané đané ayarapené

du betale ala aluraşóró, mo ketekę buóló Keriso fake so whıtamo bóe dóló susupurótu betalepó. Atéturaalu, Kótóné tukóló muló betere fo yało eraté fu betepa so whıné kilitu, me ala haşókó fele whıpó fo ępaae mo inipó.

⁷ Atétu betale whıtei, take yało doi muale alarape taaróló mió Yesu Kerisoné ala sya fóló eróturaalu, ai alarape fea hałe ęla aęralepó.

⁸ Ai alamaaté meitei, ę tetéróló kaae tare whı Tale Yesu Keriso ąta, mo bete mole alané Talepóló, ą tuę yaaitere ala doasi ketekę buóló deté furaalu, mepaae ęla ęla fea bete muni, mo hałe taae fatere ęla kaaené kelerapó. Ti Yesu Keriso ą yało Talepóló sóró beteróturaalu, yało tare ęla ęla fea taaróló, mo ti kisipa keteralepó.

⁹ Kale tukóló muló betere fo sya fóló yało erótu betaleteimó, Talené ępaae donoi whıpó yópoló kisipa tirótumipó. Téni, Yesu Keriso tuámó bitu ąpaae tuę tiki tiratere kilitu, Kótóné ępaae donoi whıpó eranée yóló doasi kisipa mutapó. Ti ai donoi alata, Yesu Kerisopaae tuę tiki tiratere betené Kótó tuámó wou beterapó.

¹⁰ Yało hosaa tuámó Yesu Keriso mo diriyóló kisipa yaai dapó. Atéru, ą sukóló momó kepaayale fotokę kisipa yóo, ama tikimó sale kae kae sekęi ala ępaaekélé eratepa sóo, ą mo dowi hale sóró sukutu yale kaae, ękélé atéro sukąai tuę mutereteiné Talené ę mo surópoló kisipa mutapó.

¹¹ Téró, ą momó kepaayóló mo ti betere bete su yale kaae, ękélé atéro momó kepaayóló mo ti betaaire bete saalopóló kisipa mutu dapó.

Dąle molemó sókó faai sururu yóló fole ala

12 Ti Talené ama ɛpaae eraai tukóló mulale alarape fea mió sóró tani, teórapó. Kótóné yało du betere alakélé wisirótu betereitei mo ti wisiréni, teópó. Yesu Kerisoné ɛ tuɔpaae eraaire ala mupa, ama ɛ tawóló dape salepó. Até yaletiné, ama ai eraaire ala hałe muaqsóró ɛ dekayóló hałe bitini, ai ala saairaalu doasi ketekę butu beterapó.

13-14 Norape-ó, yało ai saai du betere alata, mo turó sóró tanipóló kisipa mutapó. Tépatéi, yało du betere ala beta i ape. Take deté wale alarape kisipa keteróló, tukóló muló betere dalemó sókó faairaalu, ketekętamó folepaaetóró fu beterapó. Aita hałe mei, ɛ Yesu Keriso tuamó betepa, Kótóné ɛpaae hepen bemó mole ala wisi saai ape eretei saairaalu, muló betere dalemó sókó faai ketekę buóló fu beterapó.

15 Talené ala mo diriyóló tuęre so whı da fea, atei kisipatóró muóló betae. Diakó mepaae whıné yało i du betere fo tuamó me fokó haşókó falapóló kisipa mutepa, ti atére alakélé diaağ kisipa yópóló, Kótóné haķearaalopó.

16 Atéyaaipa kaae taru, dąné kisipa sere dalemótóró erótu betaalopa sae.

17 Norape-ó, mepaae whırapené yało du betere ala kolóló sya wou betere kaae, diakélé atétóró yae. Dąné yó matere fo wosóló sya fu betere so whıné dere ala kolóló tuę muae.

18 Ti noatepae, take yało diɔpaae yó maté wou betale fo kaae, miókélé diɔpaae momó woletamo i dere ape. Mepaae so whıné dere alané Yesu Keriso dóló olerale nitamo bóe du beterapó.

19 Ti ai whırape atima ai ala deté fóló, mo ti aluyaaire tikipaae sókó faalopó. Atima tęteróló

kaae tare kótóta, ti ọla naai ekelele ala ai ape. Atima haleni, mo sonaalei alatei, bete mulapóló bopé faketu betera. Atimané kisipa tikikélé haemó mole alapaae mutu betera.

²⁰ Tétu betepatei, dāné turuku beta hepen ereteiné so whi aluyaosóro tao saaire Tale Yesu Keriso a hepen be taaróló i haepaae wópóló, dā faairaalu ketekẹ buóló kaae tawóló betera.

²¹ Ti ai sekẹ tuámóta, fea ala ama tetéroló kaae tawaaire fotokọ mo turó bulapó. Dā i haemó mo whiné daale tiki taaróló, ama mo kae daale dei tiki wisinaale kaae daalópóló eraalopó.

4

¹ Yalo hosaa mole no nerape-ó, diapaae yaala sókó fóló mulu yalo diā mo kelenée du betera. Ti diāta, sururu yóló fóló, folosóro fole whiné topo tao suraalu, hainé sukutu dere kaae, diaaọ du betere ala kolóló ẹ mo hainé sukutapó. Atéyaalopa, yalo diapaae ai yale fotóro sya furaalu, Tale tuámó mo diriyóló atérótóro betae.

Alale sere alamó yale ma fo

² Yalo ne Yuodiaró Sinteketamo-ó, diaamosisitei u tetérotu i tetérotu dere ala taaróló, Tale tuámó mo betā kisipatóro muóló betaeyóló diaamopaae mo dirii ma fo i dere ape.

³ Atimaamota atérapa, sekei ala ẹtamo wusuró beletu betere whi no kamale-ó, yalo yapaae ai so tamo mo wisiyóló tao sae yóló i dere ape. Atimaamota, Klemen-kélé, mepaae ẹtamo betā kutó ditere so whikélé, dā fea Talené mió wosetere fo wisi eraairaalu, betámó bóe belerale fu dere kaae

yale so tamopó. Ai so whiné doita, mo ti betó tare *buk*-mó aserapó.

⁴ Betere dokó fea diã Tale tuãmó bituraalu, hajiné sukutu betae. Momó dapa wosae, hajiné sukutere ala hãle yó tawae.

⁵ Tale felekemó ai beterapa, so whi feapaae diaaõ mo dua naameyóló du betere ala erótu betae.

⁶ Diã mepaae òla ó alarape netéro yaaloé? yóló whaalia du betaõse. Téni, diaaõ yaõõtu betere ala fea Kótóné erópóló, apaae yó móturaalu mo kée yóló, moma dere ala betã yó tawae.

⁷ Atétere betené diã Yesu Keriso tuãmó betepa, me alané diaaõ hosaaró tuẽ tikitamo doraõsóró Kótóné hosaa muni deyóló dua betere alanétei, diã tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whiné tuẽ yaaire mo sunipó.

⁸ Norape-ó, mo kemerótu i dere fo wosae. Mo ala dereteikélé, wisi kisipa maaté mole so whiné dere alakélé, mo donoi alakélé, me alatamo hoseké inire alakélé, kelaalo mo kokõi alakélé, so whiné kolóló dukiraaire alakélé, ai dosãayale alarape talerãlemó, naao yaai dere alatamo betã kaae epa, ti kelaalo mo kokõreteiné dukiraaire alapóló kisipa mutepa, ai ala erótu betae.

⁹ Yãlo diãpaae yó matepa wosale fo ó ašemó yale fo ó yãlo hãle ekei depa wosaleteti, ó yãlo mo du betere ala kelené kelaletetikélé fea sya fóló erótu betae. Até depa, ti hosaa muni deóló mo dua betere ala matere Kótó diãtamo betaalo ai ape.

Hãle tao sóró matere alamó mo kée dere fo

¹⁰ Take diaaḡ ę koleturaalu, tao sere ala deté waleteti sawa taaróló bitiré wóló, momó tao sereteiné mo kée yóló ę Tale tuamó bitu, hajné sukutapó. Ti ita mo dapó. Take diaaḡ ę tao suḡtei, tao saaire tu me munipa tao sinipó.

¹¹ I dere fota, ę me ęla yaḡatepa dumitei, mepaae kae kae sekei alarape wapakélé me ęla meipóló, hepée taae faróló bitiré wou betaletéiné mió ę kisipa sóró asarapóló dapó.

¹² Atéró ęla ęla sumó mupa betere alakélé yaḡo kisipa yóo, yaḡare tuamó betere alakélé, kisipa yóo erapó. ęla sumó nukulé fóo, munipa haḡe bitiré fóo, kae kae felei ala ó sekei ala wapakélé, faleyóló betaaire kisipa saleteiné mo sumó haḡe betenérápó.

¹³ Ti ę fotokḡ mótu betere seké tuamó bituraalu, ai dosḡayale alarape fea yaḡo mo sumó enérápó.

¹⁴ Tépateti, ępaae wou betale sekei alarape diaaḡ kolóló hosaamó suraalu, da feané tikimó eratapóló kisipa muóló ę tao su betale alata, mo wisirapó.

¹⁵ Ti ai alamaaté mei, ę Masedonia hae kwia taaróló diḡ Filipai bemó betó mole so whi beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whiné ę tao sóró u mótu i mótu dere ala ini, diḡné maaté ę tao su betale ala diaaḡ ai kisipare ape.

¹⁶ Ti noatepae, ę Tesalonaika bemó betepa yaḡa du betale ęla ęla diaaḡ ę tao sóró dotonótua yó tarepó.

¹⁷ Ti i dere fota, diḡné emó me ęlakó melópóló dumitei, diaaḡ take saaire dupumó kisipa mutu

dapó.

¹⁸ Diaaḡ Epararataitas-paae ɛmó melale fae yale ɔla ɔla fea yaḡo sumó saleteiné mió mo dekéro mulapó. Aita ɛmó maleteti, Talepaae haḡe móturaalu simó bilitepa felé keḡaa hotere kaae depa, Kótó a fele kisipa mutu beterapó.

¹⁹ Yesu Keriso tuamó Kótóné ama kae ere de wisinaale faane wisi wisi ɔla mo turó mulapó. Atére wisi ɔla e tetéroló kaae tare Kótóné diḡ yaḡaretei fea mó sumó melaalopó.

²⁰ Dḡné Aya Kótó aḡa, ama kae ere de wisinaale tuamó betereteiné ama doi doasi mulatere ala kemekélé ini, mo ti muó tanópóló yae. Mo kée.

Mo kemeróturaalu kḡleó yale fo

²¹ Yesu Keriso tuamó kae beteró betere so whḡpaae kḡleó yae. Eḡamo betamó betó mole Keriso ne norapénékélé diḡpaae kḡleó dapó.

²² Kótóné ala erópóló ama kae beteró betere so whḡné diḡpaae kḡleó deretei, so whḡ fea tetéroló kaae tare doasi topo whḡ Sisané bemó betere so whḡnéta, mo doa kḡleó dapó.

²³ Térapa, Tale Yesu Kerisoné haḡe hamokoróló tao sere ala diḡané kepe bete tuḡpaae erópóló yae. Mo kée.

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105